


ШААБАННЫНЪ ФАЗИЛЕТЛЕРИ 15-ДЖИ ШААБАННЫНЪ БАДААТЛАРЫ



بِسْمِ اللَّهِ الرَّحْمَنِ الرَّحِيمِ

Шаабаннынъ фазилетлери. 15-джи Шаабаннынъ бидaatлары.

Эй Аллахын му'мин кьуллаары! Юдже Аллах (Субханаху ва Та'алянынъ) тайын эткен ве япкъан шейлеринде буюк ве сонсуз хикмет бар. Ве Юдже Аллах (Субханаху ва Та'аля) Озь хикметинен яраткъанындан бир шей сече, ве бу шейни махсус хусусиетлернен ве махсус устюнликнен насиб эте. Юдже Аллах (Субханаху ва Та'аля) дей:

وَرَبُّكَ يَخْلُقُ مَا يَشَاءُ وَيَخْتَارُ

«Раббинъ истегенини яратыр ве истегенини яраткъанындан сечер».

(«аль-Къасас», 28:68).

Юдже Аллах (Субханаху ва Та'аля) инсанларны, вакъыт ве ерни сече.

Юдже Аллах (Субханаху ва Та'алянынъ) сайлангъан махлюкъларындан бириси, шимди биз булунгъан ай, - бу Шаабан айы. Пейгъамберимиз صلی اللہ علیہ وسلم бу айнынъ чокъ вакъытыны оразалы оларакъ кечирген, ве буннен чокъ инсанларны бу айгъа эмиет бермегенлерини бельгилеген. Эки сахихте ривает этиле, Аише анамыз (Аллах ондан разы олсун) деди:

فَمَا رَأَيْتُ رَسُولَ اللَّهِ صَلَّى اللَّهُ عَلَيْهِ وَسَلَّمَ اسْتَكْمَلَ صِيَامَ شَهْرِ إِلَّا رَمَضَانَ، وَمَا رَأَيْتُهُ أَكْثَرَ صِيَامًا مِنْهُ فِي شَعْبَانَ

«Мен Пейгъамберни صلی اللہ علیہ وسلم Рамазан айында киби башкъа айда толусынен ораза туткъаныны корьмеген эдим. Ве Шаабан айында чокъ ораза туткъаны киби байшкъа айда ораза туткъаныны корьмедим».

аль-Бухари (1969) ве Муслим (1156).

Ве сахих хадисте ривает этиле, бир заман Усама ибн Зейд (Аллах ондан разы олсун) Пейгъамберимизден صلی اللہ علیہ وسلم сорады: «Эй Аллахын Эльчиси, мен сени Шаабан айында чокъ ораза туткъанынъ киби башкъа айларда ораза туткъанынъны корьмедим». Ве Пейгъамберимиз صلی اللہ علیہ وسلم онъа бойле джевап берди:

ذَلِكَ شَهْرٌ يَغْفُلُ النَّاسُ عَنْهُ بَيْنَ رَجَبٍ وَرَمَضَانَ، وَهُوَ
شَهْرٌ تَرَفَعُ فِيهِ الْأَعْمَالُ لِرَبِّ الْعَالَمِينَ؛ فَأَحِبُّ أَنْ يُرْفَعَ
عَمَلِي وَأَنَا صَائِمٌ

«Чокъ инсанлар Раджабнен Рамазан айларнынъ арасындаки айгъа гъамсызлар. Амма бу ойле айки, бу айда инсанларнынъ амеллери аламлернинъ Раббисине котерильмекте. Ве мен истер эдим ки, амеллерим Юдже Аллах (Субханаху ва Та'алягъа) котерильген заманда оразалы олмагъа».

Ан-Насаи (2357), Ахмад (21753). Бакъ «Сильсиля ас-Сахиха» (1898).

Бу хадисте бизим амеллеримиз Юдже Аллах (Субханаху ва Та'алягъа) котерильгени акъкъында хабер этиле. Амеллер Юдже Аллах (Субханаху ва Та'алягъа) котериле ве кетириле.

Амель котерильмеси эр куньки, эр афтаки ве эр йылки олур. Амеллернинъ эр кунькиси сабах намазы вакъытында ве аср намазы вакъытында олур, о заман мелеклер бири-биринен денишелер, ве бу намазда бизлерни къалдыргъан мелеклер Юдже Аллах (Субханаху ва Та'алягъа) котерилелер ве Онъа бизим амеллеримизни кетирелер. Бу эр кунлюк амель кетирильмесидир. Ве афта дереджесинде олгъан амель котерильмеси бар: бу базарэртеси ве джумаакъшамыдыр, ве бу акъкъында бизге Пейгъамберимиз صلی اللہ علیہ وسلم хабер эткен. Ве даан, бир йыл ичюн япылгъан амеллер котерильмеси бар, ве бу Шаабан айында олмакътадыр, ве буны бизге Пейгъамберимиз صلی اللہ علیہ وسلم хабер этти. О деди:

«О Раджабнен Рамазан айларнынъ арасындаки айдыр, ве чокъ инсанлар бу айгъа гъамсызлар».

Эмиет бермегенлерини экинджи себеби: инсанлар Раджаб акъкъында билелер, ве инсанлар Шаабандан сон кельген Рамазан айы акъкъында билелер. Чокъ инсанлар арасында Раджаб Юдже Аллахнынъ ясакъ ве мубарек айларындан олгъаныны билелер, ве о Махшер кунюне къадар мубарек ве ясакъ оладжакъ, чюнки буны Юдже Аллах (Субханаху ва Та'аля) Озь китабында тайын этти. Джаиллик девирлеринде биле, Ислям кельмеден эввелъ, араплар бу айгъа урьметнен даврана эдилер, ве мусульманлар даан зияде бу Раджаб айына иззет корьсетмек кереклер.

Рамазан – бу Юдже Аллах (Субханаху ва Та'аляны) ангълган айдыр, бир ай ибадет, бир ай ораза, бу ай – мубарек Къуран эндирилген айдыр. Бу эки намлы ай арасында – чокъ инсанларнен дуьлмагъан Шаабан айы. Ве Пейгъамберимиз صلی اللہ علیہ وسلم буны тайын этти ве сон исе деди:

«Бу айда амеллер алемлернинъ Раббисине котерильмекте, ве мен истер эдим ки, амеллерим Юдже Аллах (Субханаху ва Та'алягъа) котерильген заманда оразалы олмагъа».

Не ичюн затен оразалы олмакъта?! Не ичюн айна бу ибадетнинъ чешитинен Пейгъамберимиз صلی اللہ علیہ وسلم озь амеллерини Юдже Аллах (Субханаху ва Та'алягъа) котерильмесинен багълады? Чюнки не заман му'мин оразаны кереги киби, акъикъаттан тутта исе, не заман тек вуджуд азалары дегильде, юректе ораза тутта, не заман инсаннынъ фикир этюви ораза тутта, не заман инсан бутюн гунахлардан узакълашса, о заман махсус дереджеде булуна, макъсус юксек, темиз, къыйметли турумда булуна. Ораза вакъытында нефсининъ Юдже Аллахнен махсус багъы бар, чюнки инсан хаят кейфлеринден, сефалардан ред эте, олар себебинден инсаннынъ дамарларында ихтирас кезе ве чапкъалай. О буны Юдже Аллах (Субханаху ва Та'алягъа) якъынлашмакъ ичюн япа. Онынъ ичюн Пейгъамберимиз صلی اللہ علیہ وسلم онынъ амеллери кетирильгенде оразалы олмагъа истер эди. Бакъынъыз, амеллери эн толу ве эн гузель, мукеммель олган инсанларнынъ эн гузели – оннен бутюн инсаниет гъурурлана. Ве о амеллерини мукеммеллигине бакъмадан, олар Юдже Аллах кетирильгенде оразалы олмагъа истер эди.

Эй Аллахын къуллары, ойле исе бизлер акъкъында не айтмакъ мумкюн?! Бизлернинъ амеллеримиз Пейгъамберимизни صلی اللہ علیہ وسلم амеллерине бакъкъанда санким сынырсыз сахарада бир къум парчасы дайын, денизнен кийяс эткенде бу бир тамча яда онданда аз. Бизим амеллеримиз кетирильгенде, бизге оразалы олмамызгъа даан зияде истемеге керек дегильми аджеба?!

Шаабаннынъ онбешинджи кунюнен багълы олгъан янъылыкълар.

Эй Аллахын къуллары! Девамында пек онемли меселе. Не заман мусульман киши Мухаммеднынъ صلی اللہ علیہ وسلم талиматнамеси акъкъында бир шей ишите, онынъ Суннети акъкъында бир шей ишите, инсаннынъ юрегинде бу шейге тырышма пейда ола. Му'мин, Юдже Аллахнынъ (Субханаху ва Та'алынынъ) разылыгъыны ве мукъфатыны къазанмакъ ичюн бу амеллерини япмагъа истей. Нафиле амеллер акъкъында лаф юргюзильсе биле, мусульман киши оларны япмагъа истей. Эльбетте, айры бир себеплерден, бельким о базы вакъыт о амеллерни япып оламай. Япмагъа чареси олмаса, онынъ устюнде гюнях ёкъ, амма о бу нафиле ибадет ичюн азырлангъан буюк мукъфаттан махрум къала.

Амма бутюн белля фелякет неде?! Инсаннынъ юреги Суннетни нефрет этмекте, не заман юрек Суннетни севмей, Суннетке эмиет бермей ве онынъ ерине чешит тюрлю тюшюнип тапылгъан тюшюнджелерге япыша, динге кетирильген янъылыкъларгъа япыша, Къуранда ве Суннетте далиль олмагъан, сахабелернинъ амелиятында олмагъан, Шариатта темели олмагъан шейлерге япыша. Бу вазиятте олгъан кимсе тюшюнсин, чюнки онынъ устюне муим телюке асылды. Муакъкъакъ кетирильген Суннетке о сувукъ даврана, амма чешит тюрлю янъылыкъларгъа япыша ве оларны къатты тута.

Бу янъылыкълардан бириси, Шаабан айнынъ онбешини багълагъан геджеде япылгъан янъылыкъ. Базылары бе геджени «бераат геджеси» деп адлайлар. Адамлар бири-бирини бу гедженен тебриклеялер, бири-бирине почта варакъасы ёллаталар, интернетте тебриклер ве бу геджеде, оларны бу ибадетлер Юдже Аллах (Субханаху ва Та'алыгъа) якъынлаштыраджакълар деп, чешит

тюрлю ибадетлер япалар. Амма эн эсасы бу япылгъан амеллерге Юдже Аллахнынъ темиз Шариатында асла делиллер ёкъ.

Шейх Ибн Баз (Аллахын рахметинде олсун) – бизим девиримизде белли олгъан, мешур алим, деди:

«Инсанларнынъ тюшюнип тапкъан янъылыкъларындан, - бу Шаабанынъ ортасыны къайд этмектир, айрыджа намазларгъа бу геджени багъышламакътыр ве бу геджеден сон оразаны айырмакътыр. Бераат геджесининъ намазынен багълы олгъан бутюн хадислер, тюшюнип тапылгъан хадислердир, ве буны чокъ алимлер бельгилейлер. Чокъ алимлер бир агъыздан айталар (иджма), Шаабанынъ ортасындаки геджени къайд этмек – бу янъылыкътыр, чюнки бу шей мусульманлар арасында тек сахабелернинъ (Аллах олардан разы олсун) девириткен сон пейда олды. Акъикъатны истеген инсангъа Юдже Аллах (Субханаху ва Та'алаянынъ) сёзлерини хатырламасы етерлидир:

**الْيَوْمَ أَكْمَلْتُ لَكُمْ دِينَكُمْ وَأَتْمَمْتُ عَلَيْكُمْ نِعْمَتِي وَرَضِيْتُ
لَكُمْ الْإِسْلَامَ دِينًا**

«Бугунъ сизге дининъизни тамамладым, узеринъизге ниметимни тамамладым ве сиз ичюн дин оларакъ Ислямны бегендим».

(«аль-Маида», 5:3).

Тамам! Ислям – о толудыр! Онынъ ичине энди бир шей къошмагъа джаиз дегиль! Не азлаштырмагъа, не къошмагъа! Тамам, онынъ ичине бутюн къошулгъаны, - бу янъылыкътыр.

Энди исе инсанларнынъ вазиятине бакъынъыз , озь ветандашларынынъизны вазиятине бакъынъыз, этрафтакилерни вазиятине бакъынъыз. Оларнынъ чокъусылары бу геджеде аслында темели олмагъан тюрлю амеллер япалар. Бунъа Къуранда яда Суннетте, сахабелернинъ амелиятында асла далиль бармы аджеба?! Бунъа асла далиль ёкъ! Ве бу буюк белядыр! Бу буюк

фелякеттир! Янъылыкъ, динге азма япмакъ – бу буюк мусибеттир, белядыр, фелякеттир. Бу акъикъаттен ойледи.

Эй Аллахын къуллары, бу хутбеден сон бир шейни акъылынъызда къалдыргъанынъызны итсер эдим: бу геджеде – Шаабанынъ ортадаки геджесинде - Юдже Аллах (Субханаху ва Та'алягъа) айры, тайын этильген ибадет ёкътыр, айры бир намазлар ёкътыр, бу геджеден сон айры бир ораза ёкътыр. Бу гедже ибадет меселесинде башкъа геджелерден айырылмай. Сиз сорарсыныз: «Не ичюн?» Чюнки, не Къуранды неде Суннетте, не сахабелернинъ аамелиятларында бунъа далиль ёкъ. Ибадетте бу геджени Шаабанынъ башкъа геджелерине бакъкъанда бир шей айырмамакъ керек.

Эй Аллахын къуллары, келинъиз бу гедженинъ бир сыра янъылыкъларыны бельгилейик. Мен озъ къулагъымнен эшиттим, ве бу акъкъында джамилернинъ оджалары айталар, Шаабанынъ ортадаки геджеси – бу ойле бир геджеки, бу геджеде къадер языла, не заман инсанларнынъ бир йыллыкъ мюддети яда инсанларнынъ рызкъы тайын этиле. Ве олар, бу ает акъкъында айталар:

إِنَّا أَنْزَلْنَاهُ فِي لَيْلَةٍ مُّبَارَكَةٍ إِنَّا كُنَّا مُنذِرِينَ
فِيهَا يُفْرَقُ كُلُّ أَمْرٍ حَكِيمٍ

«Ап-ачыкъ Китапкъа ант олсун ки, биз оны (Къур'анны) мубарек бир геджеде эндирдик. Шубесиз, биз тенбиеджимиз.

Къатымыздан бир эмир иле эр икметли ишке о геджеде укъом этилир».

(«ад-Духан», 44:3-4).

Бу инсанлар, бу аетте Шаабанынъ ортадакт геджеси акъкъында айтыла, дейлер, санким бу геджеде къадер языла, рызкъ ве инсаннынъ бир йыл девамына омюри тайын этиле. Бу буюк хатадыр! Ве буны озъ тефсинде Ибн Касир (Аллахын рахметинде олсун) анълата: *«Бу, Шаабаннынъ ортадаки геджеси дегенлер, ёлуны пек шашырдылар. Бу буюк бир хатадыр, чюнки Къуран бизге*

Къуран эндирильген ве инсанларнынъ къадерлери бир сенеге язылгъаны гедже – бу Ляйлятуль-къадр геджеси олгъаныны бельгилей, ве бу гедже Рамазан айында ола».

Ве Юдже Аллах (Субханаху ва Та'аля) дей:

شَهْرُ رَمَضَانَ الَّذِي أُنزِلَ فِيهِ الْقُرْآنُ

«Рамазан айы Къураннынъ эндирильген айыдыр».

(«аль-Бакъара», 2:185).

Эй Аллахын къуллары! Шаабан айнынъ ортадаки геджесинде япылгъан янъылыкълардан даан бириси, бу геджеде япкъаныны башкъа геджелерде япмайлар, яни: джамилерде топлашалар, бу геджени къайд этелер, девамлы намазлар къылалар, зикирлер япып Аллаху дуанен мураджат этип бу геджеде юкъламайлар. Булар эписи уйдурмалар! Бу геджени башкъа геджеден айырган айры бир намаз ёкъ, чюнки бу акъкъында далилль риваетлер ёкъ, демек бу ред этильген. Демекки булар эписи бошуна. Тасавур этиниз, инсан бошуна гъайрет корьсете, бошуна чекише. Сиз сорарсыныз: «Не ичюн бошуна?» Чюнки Пейгъамберимиз صلی اللہ علیہ وسلم деди:

مَنْ عَمِلَ عَمَلًا لَيْسَ عَلَيْهِ أَمْرُنَا فَهُوَ رَدٌّ

«Ким де ким бизим эмиримиз олмагъан бир амель япса, бу ред этиле».

аль-Бухари (2697) ве Муслим (1718).

Шаабанынъ ортасындаки оразаны алсакъ, чокъ инсанлар ораза туталар, ве бу куннинъ оразасы ичюн Аллах огюнде айры бир мукъфаты бар, деп айталар. Бу ялан! Бунъа далиль ёкъ! Шаабанынъ ортасыны ораза ичюн айырмакъ – буда янъылыкътыр. Эгер инсан эр заман ораза тута, мисаль оларакъ, базарэртеси ве джумаакъшамы яда эр айнынъ ортасындаки куньлерде (айнынъ толу олгъан 13, 14, 15 – джи куньлери), яни бу онынъ эр заманки оразасы, ойле исе эгер онынъ эр заманки оразасы Шаабанынъ ортасына раст кельди исе онынъ устюнде гунях ёкъ. Не заман инсан

айни бу кунни, Шаабанынъ ортасындаки куннюнъ оразасы кыйметли десе, о заман гунях акъкъында айтмакъ мумкюн.

Кимдир: «Шаабанынъ геджесинде намаз кыйлынь, Шаабанынъ кунюнде исе ораза тутынъ», деген хадис бар дей. Олар айткъаны, - бу Алиден (Аллах ондан разы олсун) ривает этильген хадис, - бу тюшюнип тапылган хадистыр. Бу Пейгъамберимизге صلی اللہ علیہ وسلم къаршы айтылган яландыр. О бойле шей айтмады. Бу тюшюнип тапылган хадистыр!

Даан бир янъылыкъ – инсанлар аселет бу геджеде аш пишириип таркъаталар. Бунынъ айры бир мукъфаты бар деп тюшюнелер. Буда уйдурмадыр.

Эй Аллахын къуллары! Эр бир мусульман, эгер о хакъикый мусульман исе, о Пейгъамберимизни صلی اللہ علیہ وسلم Суннетини кутъмеге эйбетленмек керек. Онынъ Суннетине тырышмакъ керек ве бутюн янъылыкълардан юзь чевирмек керек. Не къадар сизге бу амеллерини безетселер де, не къадар бу амеллер ичюн мукъфатлар бар, деп айтсаларда бутюн янъылыкъларны къалдырынъыз. Оларны къалдырынъыз, чюнки булар эписи Юдже Аллахнен (Субханаху ва Та'алянен) къабул этильмейджек. Онынъ ичюн биз эр джумада, Пейгъамберимизни صلی اللہ علیہ وسلم эр бир хутбесинде айткъаныны айтамыз яда айтмагъа тырышамыз:

إِنَّ خَيْرَ الْحَدِيثِ كِتَابُ اللَّهِ وَخَيْرَ الْهَدْيِ هَدْيُ مُحَمَّدٍ
صَلَّى اللَّهُ عَلَيْهِ وَسَلَّمَ وَشَرُّ الْأُمُورِ مُحَدَّثَاتُهَا وَكُلُّ مُحَدَّثَةٍ
بِدْعَةٍ وَكُلُّ بِدْعَةٍ ضَلَالٌ وَكُلُّ ضَلَالَةٍ فِي النَّارِ

«Акъикъаттан, эн догъру сёз – бу Аллахын Китабыдыр, эн гузель ёл – бу Мухаммеднынъ صلی اللہ علیہ وسلم ёлудыр. Амеллернинъ эн ярамайы – бу динде янъылыкътыр, ве динде эр бир янъылыкъ – бу дадалеттир, эр бир дадалет – бу ёл шашырмакътыр, ве эр бир ёл шашырмакъ Джехеннем атешине алып кете».

Биз Юдже Аллах (Субханаху ва Та'алягъа) ялварамыз, бизни Онынъ Пейгъамберини صلی اللہ علیہ وسلم ёлуна ёнельтсин, бизлерни ве бизим

Шаабаннынъ фазилетлери. 15-джи Шаабаннынъ бидaatлары

несиллеримизни динде олгъан эр бир янъылыкътан ве дадалеттен кърчаласын. Шубесиз, О дуаларны къабул этиджидир.

ЧИТАТЬ НА РУССКОМ

СЛУШАТЬ В TELEGRAM

بِسْمِ اللَّهِ الرَّحْمَنِ الرَّحِيمِ

Şaabanniñ faziletleri. 15-ci Şaabanniñ bidaatları.

Ey Allahın mu'min qulları! Yüce Allah (Subhanahu va Ta'alâniñ) tayın etken ve yapqan şeylerinde büyük ve sonsuz hikmet bar. Ve Yüce Allah (Subhanahu va Ta'alâ) Öz hikmetinen yaratqanından bir şey seçe, ve bu şeyni mahsus hususiyetlennen ve mahsus üstünlüknen nasib ete. Yüce Allah (Subhanahu va Ta'alâ) dey:

وَرَبُّكَ يَخْلُقُ مَا يَشَاءُ وَيَخْتَارُ

"Rabbiñ istegenini yaratır ve istegenini yaratqanından seçer".

("al-Qasas", 28:68).

Yüce Allah (Subhanahu va Ta'alâ) insanlarını, vaqıt ve yerni seçe.

Yüce Allah (Subhanahu va Ta'alâniñ) saylanğan mahlûqlarından birisi, şimdi biz bulunğan ay, - bu Şaabani ayı. Peyğamberimiz صلی اللہ علیہ وسلم bu ayniñ çoq vaqıtını orazalı olaraq keçirgen, ve bunnan çoq insanlarını bu ayğa emiyet bermegenlerini belgilegen. Eki sahihte rivayet etile, Aişe anamız (Allah ondan razı olsun) dedi:

فَمَا رَأَيْتُ رَسُولَ اللَّهِ صَلَّى اللَّهُ عَلَيْهِ وَسَلَّمَ اسْتَكْمَلَ صِيَامَ شَهْرٍ إِلَّا رَمَضَانَ، وَمَا رَأَيْتُهُ أَكْثَرَ صِيَامًا مِنْهُ فِي شَعْبَانَ

"Men Peyğambeni صلی اللہ علیہ وسلم Ramazan ayında kibi başqa ayda tolusinen oraza tutqanını körmegen edim. Ve Şaabani ayında çoq oraza tutqanı kibi bayşqa ayda oraza tutqanını körmedim".

al-Buhari (1969) ve Müslim (1156).

Ve sahih hadiste rivayet etile, bir zaman Usama ibn Zeyd (Allah ondan razı olsun) Peyğamberimizden صلی اللہ علیہ وسلم soradı: "Ey Allahın Elçisi, men seni Şaabani ayında çoq oraza tutqanıñ kibi başqa aylarda oraza tutqanıñı körmedim". Ve Peyğamberimiz صلی اللہ علیہ وسلم oña böyle cevap berdi:

ذَلِكَ شَهْرٌ يَغْفُلُ النَّاسُ عَنْهُ بَيْنَ رَجَبٍ وَرَمَضَانَ، وَهُوَ
شَهْرٌ تُرْفَعُ فِيهِ الْأَعْمَالُ لِرَبِّ الْعَالَمِينَ؛ فَأُحِبُّ أَنْ يُرْفَعَ
عَمَلِي وَأَنَا صَائِمٌ

"Çoq insanlar Racabnen Ramazan aylarınıñ arasındaki ayğa ğamsızlar. Amma bu öyle ayki, bu ayda insanlarnıñ amelleri alemlerniñ Rabbisine köterilmekte. Ve men ister edim ki, amellerim Yüce Allaha (Subhanahu va Ta'alâğa) köterilgen zamanda orazalı olmağa".

An-Nasai (2357), Ahmad (21753). Baq "Silsilâ as-Sahihâ" (1898).

Bu hadiste bizim amellerimiz Yüce Allah (Subhanahu va Ta'alâğa) köterilgeni aqqında haber etile. Ameller Yüce Allah (Subhanahu va Ta'alâğa) köterile ve ketirile.

Amel köterilmesi er künki, er aftaki ve er yılki olur. Amellerniñ er künkisi sabah namazı vaqıtında ve asr namazı vaqıtında olur, o zaman melekler biri-birinen denişeler, ve bu namazda bizlerni qaldırğan melekler Yüce Allah (Subhanahu va Ta'alâğa) köterileler ve Oña bizim amellerimizni ketireler. Bu er künlük amel ketirilmesidir. Ve afta derecesinde olğan amel köterilmesi bar: bu bazarertesı ve cumaaqşamıdır, ve bu aqqında bizge Peyğamberimiz صلى الله عليه وسلم haber etken. Ve daan, bir yıl içün yapıłğan ameller köterilmesi bar, ve bu Şaaban ayında olmaqtadır, ve bunı bizge Peyğamberimiz صلى الله عليه وسلم haber etti. O dedi:

"O Racabnen Ramazan aylarınıñ arasındaki aydır, ve çoq insanlar bu ayğa ğamsızlar".

Emiyet bermegenlerini ikinci sebebi: insanlar Racab aqqında bileler, ve insanlar Şaabandan son kelgen Ramazan ayı aqqında bileler. Çoq insanlar arasında Racab Yüce Allahnıñ yasaq ve mubarek aylarından olğanını bileler, ve o Mahşer kününe qadar mubarek ve yasaq olacaq, çünki bunı Yüce Allah (Subhanahu va Ta'alâ) Öz kitabında tayın etti. Caillik devirlerinde bile, İslâm kelmeden evvel, araplar bu ayğa ürmetnen davrana ediler, ve musulmanlar daan ziyade bu Racab ayına izzet körsetmek kerekler.

Şaabanniñ faziletleri. 15-ci Şaabanniñ bidaatları

Ramazan – bu Yüce Allah (Subhanahu va Ta'alâni) ańılğan aydır, bir ay ibadet, bir ay oraza, bu ay – mubarek Quran endirilgen aydır. Bu eki namlı ay arasında – çoq insanlarnen duyulmağan Şaaban ayı. Ve Peyğamberimiz ﷺ bunu tayın etti ve son ise dedi:

"Bu ayda ameller alemlerniñ Rabbisine köterilmekte, ve men ister edim ki, amellerim Yüce Allaha (Subhanahu va Ta'alâğa) köterilgen zamanda orazalı olmağa".

Ne içün zaten orazalı olmaqta?! Ne içün ayni bu ibadetniñ çeşitinen Peyğamberimiz ﷺ öz amellerini Yüce Allah (Subhanahu va Ta'alâğa) köterilmesinen bağladı? Çünki ne zaman mu'min orazanı keregi kibi, aqiqattan tuta ise, ne zaman tek vucud azaları degilde, yürekte oraza tutsa, ne zaman insanıñ fikir etüvi oraza tutsa, ne zaman insan bütün günahlardan uzaqlaşsa, o zaman mahsus derecede buluna, maqsus yüksek, temiz, qıymetli turumda buluna. Oaza vaqıtında nefsnıñ Yüce Allahnen mahsus bağı bar, çünki insan hayat keyflerinden, sefalardan red ete, olar sebebinden insanıñ damarlarında ihtiras keze ve çapqalay. O bunu Yüce Allaha (Subhanahu va Ta'alâğa) yaqınlaşmaq içün yapa. Onıñ içün Peyğamberimiz ﷺ onıñ amelleri ketirilgende orazalı olmağa ister edi. Baqıñız, amelleri en tolu ve en güzel, mükemmel olğan insanlarnıñ en güzeli – onnen bütün insaniyet ğururlana. Ve o amellerini mükemmelligine baqmadan, olar Yüce Allaha ketirilgende orazalı olmağa ister edi.

Ey Allahın qulları, öyle ise bizler aqqında ne aytmak mümkün?! Bizlerniñ amellerimiz Peyğamberimizni ﷺ amellerine baqqanda sankim sınırsız sahrada bir qum parçası dayın, deniznen kıyas etkende bu bir tamça yada ondanda az. Bizim amellerimiz ketirilgende, bizge orazalı olmamızğa daan ziyade istemege kerek degilmi aceba?!

Şaabanniñ önbeşinci kününen bağı olğan yañılıqlar.

Ey Allahın qulları! Devamında pek önemli mesele. Ne zaman musulman kişi Muhammedniñ ﷺ talimatnamesi aqqında bir şey işite, onıñ Sunneti aqqında bir şey işite, insanıñ yüreginde bu şeyge tırışma peyda ola. Mu'min, Yüce Allahniñ (Subhanahu va Ta'alâniñ) razılığını ve mukâfatını qazanmaq içün bu amellerini yapmağa istey. Nafile ameller aqqında laf yürğüzilse bile, musulman kişi olarnı yapmağa istey. Elbette,

ayrı bir sebeplerden, belkim o bazı vaqıt o amellerni yapıp olamay. Yapmağa çaresi olmasa, onıñ üstünde günâh yoq, amma o bu nafîle ibadet için azırlanğan büyük mukâfattan mahrum qala.

Amma bütün belâ felâket nede?! İnsanni yüregi Sunnetni nefret etmekte, ne zaman yürek Sunnetni sevmey, Sunnetke emiyet bermey ve onıñ yerine çeşit türlü tüşünip tapılğan tüşüncelerge yapışa, dinge ketirilgen yañılıqlarğa yapışa, Quranda ve Sunnette dalil olmağan, sahabelerniñ ameliyatında olmağan, Şariatta temeli olmağan şeylerge yapışa. Bu vaziyette olğan kimse tüşünsin, çünki onıñ üstüne müim telüke asıldı. Muaqqaq ketirilgen Sunnetke o suvuq davrana, amma çeşit türlü yañılıqlarğa yapışa ve olarnı qattı tuta.

Bu yañılıqlardan birisi, Şaaban aynıñ önbeşini bağlağan gecede yapılğan yañılıq. Bazıları be geceni "beraat gecesi" dep adlaylar. Adamlar biri-birini bu gecenen tebrikleyler, biri-birine poçta varaqası yollatalar, internette tebrikler ve bu gecede, olarnı bu ibadetler Yüce Allah (Subhanahu va Ta'alâğa) yaqınlaştıracaqlar dep, çeşit türlü ibadetler yapalar. Amma en esası bu yapılğan amellerge Yüce Allahnıñ temiz Şariatında asla deliller yoq.

Şeyh İbn Baz (Allahın rahmetinde olsun) – bizim devirimizde belli olğan, meşur alim, dedi:

"İnsanların tüşünip tapqan yañılıqlarından, - bu Şaabanıñ ortasını qayd etmektir, ayrıca namazlarğa bu geceni bağışlamaqtır ve bu geceden son orazanı ayırmaqtır. Beraat gecesiniñ namazinen bağlı olğan bütün hadisler, tüşünip tapılğan hadislerdir, ve bunı çoq alimler belgileyler. Çoq alimler bir ağızdan aytalar (icma), Şaabanıñ ortasındaki geceni qayd etmek – bu yañılıqtır, çünki bu şey musulmanlar arasında tek sahabelerniñ (Allah olardan razı olsun) deviri bitken son peyda oldı. Aqiqatnı istegen insanğa Yüce Allah (Subhanahu va Ta'alânıñ) sözlerini hatırlaması yeterlidir:

الْيَوْمَ أَكْمَلْتُ لَكُمْ دِينَكُمْ وَأَتَمَمْتُ عَلَيْكُمْ نِعْمَتِي وَرَضِيْتُ
لَكُمْ الْإِسْلَامَ دِينًا

"Bugün sizge diniñizni tamamladım, üzeriñizge nimetimni tamamladım ve siz için din olaraq İslâmni begendim".

("al-Maida", 5:3).

Tamam! İslâm – o toludur! Onıñ içine endi bir şey qoşmağa caiz degil! Ne azlaştırmağa, ne qoşmağa! Tamam, onıñ içine bütün qoşulğanı, - bu yañılıqtır.

Endi ise insanlarıñ vaziyetine baqıñız , öz vetandaşlarıñızni vaziyetine baqıñız, etraftakilerni vaziyetine baqıñız. Olarıñ çoqusıları bu gecede aslında temeli olmağan türlü ameller yapalar. Buña Quranda yada Sunnette, sahabelerniñ ameliyatında asla dalil barmı aceba?! Buña asla dalil yoq! Ve bu büyük belâdır! Bu büyük felâkettir! Yañılıq, dinge azma yapmaq – bu büyük müsibettir, belâdır, felâkettir. Bu aqiqatten öyledir.

Ey Allahın qulları, bu hutbeden son bir şeyni aqılıñızda qaldırğanıñızni itser edim: bu gecede – Şaabanıñ ortadaki gecesinde - Yüce Allaha (Subhanahu va Ta'alâğa) ayrı, tayın etilgen ibadet yoqtır, ayrı bir namazlar yoqtır, bu geceden son ayrı bir oraza yoqtır. Bu gece ibadet meselesinde başka gecelerden ayırılmay. Siz sorarsınız: "Ne için?" Çünkü, ne Qurandı nede Sunnette, ne sahabelerniñ aameliyatlarında buña dalil yoq. İbadette bu geceni Şaabanıñ başka gecelerine baqqanda bir şey ayırmamaq gerek.

Ey Allahın qulları, keliñiz bu geceniñ bir sıra yañılıqlarını belgileyik. Men öz qulağımnen eşittim, ve bu aqqında camilerniñ ocaları aytalar, Şaabanıñ ortadaki gecesi – bu öyle bir geceki, bu gecede qader yazıla, ne zaman insanlarıñ bir yıllık müddeti yada insanlarıñ rızqı tayın etile. Ve olar, bu ayet aqqında aytalar:

إِنَّا أَنْزَلْنَاهُ فِي لَيْلَةٍ مُبَارَكَةٍ إِنَّا كُنَّا مُنذِرِينَ
فِيهَا يُفْرَقُ كُلُّ أَمْرٍ حَكِيمٍ

"Ap-açıq Kitapqa ant olsun ki, biz onı (Qur'annı) mubarek bir gecede endirdik. Şübesiz, biz tenbiyecimiz. Qatımızdan bir emir ile er ikmetli işke o gecede üküm etilir".

("ad-Duhan", 44:3-4).

Bu insanlar, bu ayette Şaabanniñ ortadakt gecesi aqqında ayıla, deyler, sankim bu gecede qader yazıla, rızq ve insanniñ bir yıl devamına ömürü tayın etile. Bu büyük hatadır! Ve bunu öz tefsirinde İbn Kasir (Allahın rahmetinde olsun) añlata: "Bu, Şaabanniñ ortadaki gecesi degenler, yolunu pek şaşırıldılar. Bu büyük bir hatadır, çünkü Quran bizge Quran endirilgen ve insanlarnıñ qaderleri bir senege yazılğanı gece – bu Lâylâtul-qadr gecesi olğanını belgiley, ve bu gece Ramazan ayında ola".

Ve Yüce Allah (Subhanahu va Ta'alâ) dey:

شَهْرُ رَمَازَانَ الَّذِي أُنزِلَ فِيهِ الْقُرْآنُ

"Ramazan ayı Quranniñ endirilgen ayıdır".

("al-Baqara", 2:185).

Ey Allahın qulları! Şaaban aynıñ ortadaki gecesinde yapılğan yañılıqlardan daan birisi, bu gecede yapqanını başqa gecelerde yapmaylar, yani: camilerde toplaşalar, bu geceni kayd eteler, devamlı namazlar qılalar, zikirler yapıp Allaha duanen muracat etip bu gecede yuqlamaylar. Bular episi uydurmalar! Bu geceni başqa geceden ayırgan ayrı bir namaz yoq, çünkü bu aqqında dalill rivayetler yoq, demek bu red etilgen. Demekki bular episi boşuna. Tasavur etiniz, insan boşuna ğayret körsete, boşuna çekişe. Siz sorarsınız: "Ne içün boşuna?" Çünkü Peyğamberimiz ﷺ dedi:

مَنْ عَمِلَ عَمَلًا لَيْسَ عَلَيْهِ أَمْرُنَا فَهُوَ رَدٌّ

"Kim de kim bizim emirimiz olmağan bir amel yapsa, bu red etile".

al-Buhari (2697) ve Müslim (1718).

Şaabanniñ ortasındaki orazanı alsaq, çoq insanlar oraza tutalar, ve bu künniñ orazası içün Allah ögünde ayrı bir mukâfatı bar, dep aytalar. Bu yalan! Buña dalil yoq! Şaabanniñ ortasını oraza içün ayırmaq – buda yañılıqtır. Eger insan er zaman oraza tuta, misal olaraq, bazarertesi ve cumaaqşamı yada er aynıñ ortasındaki künlere (aynıñ tolu olğan 13,

14, 15 – ci künleri), yani bu onıñ er zamanki orazası, öyle ise eger onıñ zr zamanki orazası Şaabanniñ ortasına rast keldi ise onıñ üstünde günâh yoq. Ne zaman insan ayni bu künni, Şaabanniñ ortasındaki künnüñ orazası qıymetli dese, o zaman günâh aqqında aytmay mümkün.

Kimdir: "Şaabanniñ gecesinde namaz qılıñ, Şaabanniñ kününde ise oraza tutıñ", degen hadis bar dey. Olar aytqanı, - bu Aliden (Allah ondan razı olsun) rivayet etilgen hadis, - bu tüşünip tapılğan hadistir. Bu Peyğamberimizge ﷺ qarşı ayılğan yalandır. O böyle şey aytmadı. Bu tüşünip tapılğan hadistir!

Daan bir yañılıq – insanlar aselet bu gecede aş pişiriip tarqatalar. Bunıñ ayrı bir mukâfatı bar dep tüşüneler. Buda uydurmadır.

Ey Allahın qulları! Er bir musulman, eger o haqiqiy musulman ise, o Peyğamberimizni ﷺ Sunnetini kütmege eybetlenmek kerek. Onıñ Sunnetine tırışmaq kerek ve bütün yañılıqlardan yüz çevirmek kerek. Ne qadar sizge bu amellerini bezetseler de, ne qadar bu ameller içün mukâfatlar bar, dep aytsalarda bütün yañılıqları qaldırıñız. Oları qaldırıñız, çünki bular episi Yüce Allahnen (Subhanahu va Ta'alânen) qabul etilmeycek. Onıñ içün biz er cumada, Peyğamberimizni ﷺ er bir hutbesinde aytqanını aytañız yada aytmay tırışamız:

إِنَّ خَيْرَ الْحَدِيثِ كِتَابُ اللَّهِ وَخَيْرَ الْهَدْيِ هَدْيُ مُحَمَّدٍ
صَلَّى اللَّهُ عَلَيْهِ وَسَلَّمَ وَشَرُّ الْأُمُورِ مُحَدَّثَاتُهَا وَكُلُّ مُحَدَّثَةٍ
بِدْعَةٌ وَكُلُّ بَدْعَةٍ ضَلَالٌ وَكُلُّ ضَلَالَةٍ فِي النَّارِ

"Aqiqattan, en doğru söz – bu Allahın Kitabıdır, en güzel yol – bu Muhammedniñ ﷺ yoludur. Amellerniñ en yaramayı – bu dinde yañılıqtır, ve dinde er bir yañılıq – bu dadalettir, er bir dadalet – bu yol şaşırmaqtır, ve er bir yol şaşırmaq Cehennem ateşine alıp kete".

Biz Yüce Allah (Subhanahu va Ta'alâğa) yalvaramız, bizni Onıñ Peyğamberini ﷺ yoluna yöneltsin, bizlerni ve bizim nesillerimizni dinde olğan er bir yañılıqtan ve dadaletten qorçalasın. Şübesiz, O duaları qabul eticidir.

ЧИТАТЬ НА РУССКОМ

СЛУШАТЬ В TELEGRAM